

劉賓客文集
附補遺

一



劉賓客文集

附補遺

—

劉禹錫 著

中華書局

劉賓客文集

附補
遺

二

劉禹錫 著

中華書局

劉賓客文集

附補遺

三

劉禹錫 著

中華書局

叢書集成初編

劉賓客文集 附補遺 三冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

劉賓客文集

此據畿輔叢書本
排印初編各叢書
僅有此本

劉賓客文集卷一

唐 中山劉禹錫著

賦

問大鈞賦 井序

始余失臺郎爲刺史。又貶州司馬。俟罪朗州。三見閏月。人咸謂數之極。理當遷焉。因作謫九年賦以自廣。是歲臘月詔追明年。自闕下重領連山郡印綬。人咸曰美惡周必復。第行無恤。歲杪其復乎。居五年。不得闕歲二月。有事於社。前一日致齋。孤居虛靜。滯念欬起。伊人理之不可以曉也。將質諸神乎。謹貢誠馳精。敢問大鈞。其夕有遇。寤而次第其詞以爲賦。

圓方相函兮。浩其無垠。窅冥翕闢兮。走三辰以騰振。孰主張是兮。有工其神。迎隨不見兮。強名之曰大鈞。欬以臨下兮。巍乎雄尊。天爲獨陽。高不可問。工居其中。與人差近。身執其權。心平其運。循名想象。斯可以訊。曰嘻。蒙之未生。其猶泥耳。落乎埏埴。唯鈞所指。忽然爲人。爲幸大矣。上賦其形。七情與俱。蓄智不授。畀之以愚。坦坦之衢。萬人所趨。蒙一布武。化爲畏途。人或譽^{聲平}之。百說徒虛。人或排之。半言有餘。物壯則老。乃唯其常。否終則傾。亦不可長。老先期而驟至兮。否踰數而叵量。雖一夫之不獲兮。亦大化之攸病。謹薦誠上問兮。俛伏以聽。是夕寢熟。夢遊乎無何有之鄉。抗陸級於重霄兮。異人間之景光。中有威神。巾金甲。

而煒煌一作命之使前兮。其音琅琅曰。吾大化之一工也。居上臨下。廉其不平。汝今有辭。吾一以聽。播形肖貌。生類積億。囊籥闔閭。鎔鍊消息。我之司智。初不爾裔。不守以愚。覆爲汝賊。旣賦汝形。輔之聰明。盡求世師。資適攸宜。胡然抗志。遐想前烈。倚梯青冥。舉足斯跌。輟爾智斧。無爲自伐。鑿竅太繁。天和乃洩。利運前誘。多逢覆轍。名腸內煎。外火非熱。今哀汝窮。將厚汝愚。剔去剛健。納之柔濡。塞前竅之傷瘕兮。招太和而與居。貴以待人兮。急以自拘。道存壺奧。無示四隅。軋物之勢不作兮。見傷之機自無。汝不善用。吾焉奮乎。且夫貞而騰氣者。騰騰健而垂精者。昊昊我居其中。猶輪是蹈。以不息爲體。以日新爲道。保鱗蜚走。灌莽苞阜。乃牙乃甲。乃殪乃剖。陽榮陰悴。生濡死薨。各乘氣化。不以意造。賦大運兮。無有淑慝。彼多方兮。自生醜好。爾奚不德。余以驩壯。姑尤我以速老。邪。觀汝百爲。又或不然。赤子哇哇。忽其能言。亦旣名物。幾時踟躕。春耕其邱。投種之日。釋耒而歎。何時實粟。望所未至。謂余舒舒。欲其久留。謂我警如。我一子二。誰之曲歟。彼兼葭之蒼蒼兮。霜霰苦而中堅。松竹之皴皴索索兮。不若櫛筍之可憐。納材華而構明堂兮。固容消而力完。揚且之哲兮。不可以常然。當錫爾以老成。蒼眉皓額。山立時行。去敵氣與矜色兮。噤危言以端誠。俾人望之。侮黷不生。爾之所得。孰與壯多。不善處老。問余而何。受教而回。遽遽形開。嚮之威神。孰爲來哉。乃遽衣促盥。端慮滌想。委佩低簪。持簿叩額而言曰。楚臣天問不酬。今臣過幸。一獻三售。始厚以恩。終期以壽。忘上問之罪。濯已然之咎。心憎故術。腹飽新授。馳神清玄。拜手稽首兮。

南方氣泄而雨淫。地隱而傷物。媼神噫溼。淪色壞味。雖金之堅。亦失恆性。始余有佩刀甚良。至是澀不可拔。剖其室乃出。遡陽眇眇。傳刃蒙脊。鱗然如瘡痂。如黑子。如青蠅之惡。銳氣中鋼。猶人被病然。客有聞焉。裏一作哀。密石以遺余。沃之草腴。雜以烏膏。切劇下上。真質焯見。躊躇四顧。適余周爾謝客。微子之貽。幾喪吾寶。客曰。吾聞諸梅福曰。爵祿者。天下之砥石也。高皇帝所以礪世。磨鈍。有是邪。余退感其言。作砥石賦。我有利金兮。以利爲佩。遭土卑而匿作兮。雄鎔爲之潛晦。如景昏而蝕。既兮。與肌漆而爲癘。顧秋蓬之不可刺兮。尙何遊乎體髀之外。利物蒙蔽。材人惆悵。俾百汰之至精。蟠一檢而多恙。豈害氣之獨然兮。將久不試而然。彼堵者之刀一作刀。今獵者之鋌。不灌不淬兮。揉一作錯銜鉛。日鼓月揮兮。剗腴擊鮮。睨一作燿燿以耀芒。蕞淫夷而騰羶。豈不涉暑而蒙沴兮。鼎用之而成妍。有客自東。遺余越砥。圭形石質。蒼色膩理。刻其鱗皴。滑以滌瀦。如衣澣垢。如鼎出否。霧盡披天。萍開見水。拭寒焰以破背。擊清音而振耳。故態復還。寶心再起。既賦形以終用。一蒙垢焉何恥。感利鈍之有時兮。寄雄心於瞪視。嗟乎石以砥焉。化鈍爲利。法以砥焉。化愚爲智。武王得之。商俗以厚。高帝得之。傑材以奏。得既有自。失豈無因。漢氏以還。三光景分。隨道闊狹。用之得人。五百餘年。唐風始振。懸此大砥。以勸兆民。播生在天。成器在君。天爲物君。君爲人天。安有執礪世之具。而患乎無賢歟。

楚望賦并序

予既謫於武陵。其地故郢之裔邑。與夜郎諸夷錯雜。繫乎天者。陰伏陽驕。是已。一無此二字下同繫乎人者。風巫

氣竄是已。一有是以二字。霑氛浮浮。利於樓居。城之麗譙。實鄰所舍。四垂無蔽。萬景全入。因道其遠邇所得。爲楚望賦云。

翼軫之野。祝融司方。陰迫而專。專實生沴。天濡而累。土洩而泥。氣罕淑清。兮淫氛晦晦。中人體支兮。爲瘵。爲瘵以曠滌煩兮。利居高於物外。我卜我居。於城之隅。宛在藩落。麗譙渠渠。四阿垂空。洞戶發樞。眸子不運。坐凌虛無。歲更周流。時極慘舒。萬象起滅。森來覩子。櫺軒之外。羣山巖嵒。岡陵靡陀。勢若相拱。出雲見怪。竊蔚森聳。露夕霞朝。望如飛動。簷廡之下。大江瀕洞。支流合輸。泄入雲夢。羲和望舒。出沒兩涯。涵泳之族。聳牙一作。歔呀。秋水灌盈。漩石飄沙。流枿軒昂。舞於盤渦。逮及收潦。澹如醪醑。白石磷磷。倒影羅生。蘋末風起。有文無聲。悠遠烟緜。與空蒼然。湘沅之春。先令而行。臘月寒盡。溫風發榮。土膏如濡。言鳥嚶嚶。三星嚶其曉中。植物颯以飄英。雲歸高唐。草蔽洞庭。目與天盡。神將化并。圓方相涵。遊氣香冥。熙熙藹藹。藻飾羣形。枿樹童邱。積空凝青。環洲曲塘。含景曜明。恢台之氣。發於春季。涉夏如鑠。逮秋愈熾。土山焦熬。止水瀼瀼。翔禽跼蹐。咼味垂翅。曦赫敲蒸。陽極反陰。二儀交精。下上相歆。雲興天際。歛苦車蓋。凝矚未瞬。彌漫霏霏。驚雷出火。喬木糜碎。殷地蕪空。萬夫皆廢。懸霑綆絕。日中見昧。移晷而收。野無完塊。少陰之中。景物澄鮮。丹葉星房。燭耀川原。夕月既望。曜於丹泉。上鏡下冰。湔塵濯烟。宿麗潛芒。獨行高躔。皓一氣之悠然。潔有形而溢清玄。杳微明而斐疊。想遊目於化先。夜無朕以徂征。金霞暈乎海湄。明星方揚。斜漢西懸。璿柄如墮。半沈層瀾。雞鳴晰而晨鳴兮。日荏苒以騰晶。動植瞭兮已分。山川鬱乎不平。復人寰之誼卑。洵

浩浩以營營，追向時之景光，不可驟得以再更。意華胥之夢還，獨仿像而馳精。日次於房，天未降霜。百卉
猶澤，水泉收脉。故道脽音削，衍爲廣斥。水禽嬉戲，引吭伸翮。紛驚鳴而決起，拾綵絮於沙礫。時時北風，振
槁揚埃。蕭條邊聲，與鴈俱來。寒氛委積，萬竅交激。楚雲改容，飛雨凝滴。灑林遞響，淅瀝梢械。飛電照雪，以
騰光。柔蔬傲霜而透垆，躔次殊氣。川谷異宜，民生其間。俗鬼言夷，招三閭以成謠。德伏波而構祠，投粬糗
反呂以鼓櫂。象鱣魴而如犧，蟠木靚深。孽妖憑之，祈年祛癘。獨敬祇威，擊鼓肆筵。河旁水涸，薦誠致祝。卻
略躑躅躑躅見靈光賦，踞居蠡食。大掩水物，罟張餌啗。不可遁伏，顯舉潛絕。晝撞夜觸，設機沈深。如拾於陸，
彼遊儻之瑣類，咸跳脫於窘束。雖三趾與六眸，時或加乎一目。亦有輕舟，軒輕泛浮。掄綸往復，馴鷗相逐。
莫夜澄寂，嘯歌羣族。僮音俚態，幽怨委曲。逗疎柝於江城，引哀猿於山木。巢山之徒，捫木開田。灼龜伺澤，
兆食而燔。鬱攸起於巖阿，騰絳氣而蔽天。熏歇雨濡，穎垂林巔。盜天和而藉地勢，諒無勞而有年。罷士閑
人，逸爲未作。求金渚涘，淘汰澆澣。流注瀆沱，繁光熠燿。貪賈來貿，發於懷握。無翼而飛，潤於豐屋。晒耕耘
之悒悒，徒胼胝以自鞠。我處層軒，日星迴還。閱天數而視民風，百態變見乎其間。非耳刺而臆說兮，固幽
求而縱觀。觀物之餘，遂觀我生。何廣覆與厚載，豈有形而無情。高莫高兮九關，遠莫遠兮故園。舟有櫂兮
車有轄，江山坐兮不可越。吾又安知其所如，悅臨高以觀物。

傷往賦 并序

人之所以取貴於蜚走者情也，而誕者以遺情爲智，豈至言邪。予授室九年而鰥，痛苦人之天閼弗遂也。

作賦以傷之。冀夫覽者有以增伉儷之重云。

歎獨處之悵悵兮。憤伊人之我遺。情可殺而猶毒。境當歡而復悲。人或朝歎而莫息。夫何越月而踰時。太極運乎三辰。轉寒暑而下馳。有歸於無兮。盛復於衰。猶味爽之必莫。又安得而怨咨。我今怨夫若人兮。曾也且而潛暉。飄零日及之萼。日及。一種也。朝生暮落。一名王蕤。出爾種。倏忽蜉蝣之衣。川走下而不還。露迎陽而易晞。恩已甚兮。難絕。見無期兮。永思。我行其野。農氏桑者。舉桮來饌。亦在林下。我觀於途。裨販之夫。同荷均挈。荆釵布襦。羽毛之落。鱗介之微。和鳴灌叢。雙泳漣漪。薨薨伊豸。蠢蠢伊豸。遊空穴深。兩兩相比。何動類之萬殊。必雄雌而與俱。物莫失儷以孤處。我方踽踽而焉如。我復虛室。日淒涼兮。心伊鬱兮。將詰誰坐匡牀兮。撫嬰兒何所丐沐兮。何從仰飴。襦袴在身兮。昔圍蹉跌。聲囊附臂兮。餘腹臧韃。誠□性之全惑。顧童心兮。如疑。曉然有難繼之慕。漠然減好弄之姿。指遺桂兮。能認遡空帷兮。欲歸我入寢宮。痛人亡兮。物改其容。寶瑟偃一作兮。絃柱綠瑤臺。傾兮鏡奩空。寒釭委灰。虛幌多風。隙駒晨轉。窗蟾夜通。步搖昏兮。網黏翡翠。芳褥掩兮。塵化蛩蛩。閱刀尺之餘澤。自巾箱之故封。玩服儼兮。猶具繁華。謝兮。焉從想。翻躑於是。非求憲宰與冥蒙。信奇術之可致。嗟此生兮。不逢。徒注視以寂聽。悅神疲而目窮。還抱影以獨出。紛百哀而攻中。系曰。龍門風霜苦。別鶴哀鳴夜。銜羽吳江波浪深。雌劍一去無遺音。悲之來兮。憤予心。洵如行波潏浸。注恨緣情而莫極。思執禮以自箴。已焉哉。苒苒生死悠悠古今。乘彼一氣兮。聚散相尋。或鼓而興。或罷而沈。以無涯之情愛。悼不駐之光陰。諒自迷其有分。徒終怨於匪忱。彼蒙莊兮。何人。予獨累歎而長吟。

何卜賦

余既幼惑力命之說兮。身久放而愈疑。心回穴其莫曉兮。將取質夫秉龜。楚人俗巫而好術兮。叟有鬻卜而來思。乃招而祝之曰。嘻。人莫不塞。有時而通。伊我兮久而愈窮。人莫不病。有時而間。伊我兮久而滋蔓。我聞人宵五行。動止有則。四時轉續。變於所極。一歲之早。人斯具舟。三月之熱。人斯具裘。極必反焉。其猶合符一作子。予下句同首圓而足方。予腹陰而背陽。胡形象之有宵。而變化之殊常。經曰。剝極則貴。居貴而未嘗剝者。其誰否。極受泰。居否而未嘗泰者。又其誰。鶴胡不戲。鳧胡不裨。夔何罰而蹊蹕。蚺何功而扶持。紛紜恣睢。交作舛馳。似予似尊。似信似欺。孰主張之。問於子龜。卜者曰。招我以粗。問我以微。有天下之是非。有人人之是非。在此爲美兮。在彼爲嗤。或昔而成。或今而虧。君問曷由。主張其時。時乎時乎。去不可邀。來不可逃。淹淹兮。孰捨孰操。豕喙之毒螫。雞首之賤毛。各於其時。而伯音霸其曹。屠龍之伎。非曰不偉。時無所用。莫若履豨。作俑之工。非曰可珍。時有所用。貴於斷輪。絡首靡足兮。驥不能踰。一無字跬前無所阻兮。跛鼃千里。同涉於川。其時在風。沿者之吉。泝者之凶。同載於野。其時在澤。伊穰之利。乃穆之厄。故曰。是邪非邪。主者時邪。諒淑惡之同出兮。顧所丁之若何。夫如是。得非我美。失非我恥。其去曷思。其來曷期。姑蹈常而俟之。夫何卜爲。言訖。執龜而起。予退而作何卜賦。於是蹈道之心一。而俟時之志堅。內視羣疑。猶冰釋然。

謫九年賦

古稱思婦。已歷九秋。未必有是。舉爲深愁。莫高者天。莫濬者泉。推以極數。無踰九焉。伊我之謫。至於數極。

長沙之悲。三倍其時。廷尉不調。行當跂而天有寒暑。閏餘三變。朝有考績。幽明三見。顧堯之民兮。亦昏墊而有歎。歎息兮。倘佯登高兮。望蒼蒼。突弁之夫。我未始黃。合抱之木。我來猶茫。山增昔容。水改故防。重者鬱鬱。而澗者洋洋。天覆地生。翁兮無傷。彼族而居。彘之投荒。彼軒而遊。昨日桁楊。信及澤濡。俄然復常。稽天道與人紀。咸一債而一起。去無久而不還。焚無久而不理。何我道之一窮兮。貫九年而猶爾。噫。不可得而知。庸詎得而悲。苟變化之莫及兮。又安用夫肖天地之形爲。

望賦

邈不語兮。臨風境自外兮。感從中。晦明轉續兮。八極鴻濛。上下交氣兮。羣生異容。發孤照於寸眸。驚遐情乎大空。物乘化兮。多象人遇時兮。不同嗟乎。有日者必聘望以盡意。當望者必緣情而感時。有待者瞿瞿忘懷者熙熙。慮深者瞭然若喪。樂極者沖然無違。外徙倚其如一。中紉紛兮若斯。望如何其望最樂。晞慶霄兮。迺阿閣如雲兮。天顏咫尺。如草兮。臣心踊躍。扇交翟兮。歲蕤旗升龍兮。螭略日轉黃道。天開碧落。凝瑞景於庭樹。掬非烟於殿幕。望如何其望且懽。登瀛岸兮。見長安紛擾擾兮。紅塵合鬱蔥蔥兮。佳氣盤池象漢兮。昭回城依斗兮。闌干避御史之驄馬。逐倖臣之金丸。望如何其望攸好。宗萬靈兮。越四陳。漢帝仙臺兮。秦皇海嶠。霓衣跼於河上。馬跡窮乎越微。紫氣度關而斐亶。神光屬天而照耀。睨春春以馳精。聳專專而觀妙。望如何其望有形。視蠢蠢兮。窮冥冥。楚塞氛惡兮。蕭關燧明。暈籠孤月。角奮長庚。沙多似雪。磧有疑城。烟雲非女子之氣。草木盡王者之兵。審曳柴之虛警。破來騎之先聲。信有得於風鳥。示無言於旆。

旌望如何其望且慕。恩意隔兮年光度。雕輦已辭兮金屋何處。長信草生兮。長門日莫。篋翠華之儻來。仰
玄天以自訴。況復湘水無還。漳河空注。淚染枝葉。香餘執素。風蕭蕭兮北渚。波烟漠漠兮西陵樹。夫不歸
兮江上石。子可見兮秦原墓。拍琴翻朔塞之音。挾瑟指邯鄲之路。望如何其望最傷。俟環玦兮思帝鄉。龍
門不見兮。雲霧蒼蒼。喬木何許兮。山高水長。春之氣兮說萬族。獨含嘯兮千里日。秋之景兮懸清光。偏結
憤兮九回腸。羨環拱於白榆。惜馳驅於落棠。諒衝斗兮誰見。伊戴盆兮何望。平聲豈止蘇武在胡。管甯浮海。
送飛鴻之滅沒。附陰火之光彩。鶴頸長引。烏頭未改。恨已極兮平原空。起何時兮東山在。水望如何。傷懷
孔多。降將有依風之感。宮人成憶月之歌。歌曰。張衡側身愁思久。王粲登樓日回首。不作涓濱垂釣臣。差
爲洛陽拜塵友。

山陽城賦 井序

山陽故城遺趾數雉。四百之運。終於此墟。裔孫作賦。蓋閔漢也。詞曰。

我止行車。實涕於山陽之墟。是何蒼莽與慘悴。春陵之氣兮焉如。踣昌運於四百。辭至尊而伍匹夫。有利
器而倒持兮。曾何芒刃之足舒。懿王迹之肇基。暨坤維之再敷。邈汜陽與鄩上。悅蛇變而龍據。痛人亡而
事替。終此地焉。忽諸嗟乎。積是爲治。積非成虐。文景之欲。處身以約。播其德非。迄武乃穫。桓靈之欲。縱心
於梓。爇其妖焰。逮獻而焚。彼伊周不世兮。奸雄乘釁而騰振。物象摧以易位。被虛號而陽尊。終世殫而事
去。胡竊揖讓以爲文。嗚呼。維神器之至重兮。蓋如山之不羈。使人得譬乎逐鹿。固健步者所先。諒人事之

云爾。孰云當塗之兆也。自天亂曰。久矣莫可追。陞彼墟兮。噫嘻。獨遺武兮。貽後王之元龜。

秋聲賦 井序

相國中山公賦秋聲。以屬天官太常伯。唱和俱絕。然皆得時行道之餘興。猶有光陰之歎。況伊鬱老病者。乎。吟之斐然。以寄孤憤。

碧天如水兮。宵宵悠悠。百蟲迎莫兮。萬葉吟秋。欲辭林而蕭颯。潛命侶以啁啾。送將歸兮。臨水。非我士兮。登樓。晚枝多露。蟬之思夕。蔓趣寒蟬之愁。至若松竹含韻。梧楸蚤脫。驚綺疏之曉吹。墮碧砌之涼月。念塞外之征行。顧閨中之騷屑。夜蛩鳴兮。機杼促。朔雁叫兮。音書絕。遠杵續兮。何泠泠。虛窗靜兮。空切切。如吟如嘯。非竹非絲。當自然之宮徵。動終歲之別離。廢井苔合。一作冷荒園露滋。草蒼蒼兮。人寂寂。樹槭槭兮。蟲吟吟。則有安石風流。巨源多可。平六符而佐主。施九流而自我。猶復感陰蟲之鳴軒。歎涼葉之初墮。異宋玉之悲傷。覺潘郎之么麼。嗟乎。驥伏櫪而已老。鷹在韝而有情。聆朔風而心動。眄天籟而神驚。力將瘵兮。足受絀。猶奮迅於秋聲。

劉賓客文集卷二

碑

唐興元節度使王公先廟碑

唐制五等有爵服而無山川登於三事得立四廟備物崇祀以交神明敬先報本以輔孝治有國之令典也維長慶三年前相國王公始卜廟於西京崇業里公時鎮劍南東川上章曰臣涯官秩印綬品俱第三請如式以奉宗廟制曰可是歲仲冬申命長男孟堅祔其主於三室明年公入爲御史大夫復以十二月躬行烝祭間歲公出梁州就拜司空禮崇異數廟加祀室太和二年增新室旣成祔顯考於尊位告饗由禮觀之者以爲世程第一室曰上儀同幽州別駕府君諱元政以妣博陵崔氏配第二室曰湖州安吉縣令贈尙書刑部員外郎府君諱實以妣贈扶風縣太君馬氏配第三室曰朝散大夫青州司馬贈戶部侍郎府君諱祚以妣贈武威郡太夫人賈氏配第四室曰溫州刺史贈太尉府君諱冕以妣贈魯國太夫人博陵崔氏配初周靈王太子晉遇浮邱公化爲神仙時人號曰王家其後遂以命氏顯於秦者曰翦三世將秦師子孫分居晉代間東漢有徵君霸霸孫甲亦號徵君徙居祁縣爲著姓故至於今爲太原人自漢涉魏益以熾昌凡十葉至後魏度支尙書廣陽侯問廣陽有二子神念神感神念南奔梁神感北仕齊惟儀同府君廣陽侯五代孫也唐興於太原實從義旗佐成王業故有開府儀同之寵惟刑部府君以功臣